



Հանրապետական մանկավարժահոգեբանական կենտրոն

«Հանրակրթական դպրոցների ուսուցիչների և ուսուցչի
օգնականների դասավանդման հմտությունների զարգացման
ապահովում» ծրագիր

ՀԵՏԱԶՈՏԱԿԱՆ ԱՇԽԱՏԱՆՔ

Դպրոց՝ «Անուշվանի միջնակարգ դպրոց» ՊՈԱԿ
Առարկա՝ Ուսուցչի օգնական
Թեմա՝ Խաղը որպես կրտսեր դպրոցականի ճանաչողական
հետաքրքրությունների խթանման միջոց

Վերապատրաստող / մենթոր՝ Նարինե Սուքիասյան

Ուսուցչուհի **Ռոզա Մաթևոսյան**

Երևան 2022

Բովանդակություն

Ներածություն	3
Գրական ակնարկ	5
Փորձարարական հետազոտություն	11
Խմբի նկարագիր	12
Հետազոտության ընթացք	12
Փորձարարական դաս 1	12
Փորձարարական դաս 2	13
Տվյալների մշակում և վերլուծություն	14
Եզրակացություն	15
Օգրագործված գրականության ցանկ	16

Ներածություն

«Առանց խաղի չկա և չի կարող լինել ամբողջական մտավոր զարգացում: Խաղը մի մեծ , լուսավոր պատուհան է, որի միջոցով երեխայի հոգևոր աշխարհը , կյանքը լցնում է պնդումների, գաղափարների հոսքով: Խաղը կայծ է՝ հարցասիրության և հետաքրքրասիրության վառվող կրակ»: Վ.Ա. Սուխոմլինսկի

Յուրաքանչյուր դպրոց և մանկավարժական կոլեկտիվ պարտավոր են յուրահատուկ պայմաններ ստեղծել աշակերտների ուսուցման և դաստիարակության համար: Դա առավելապես վերաբերում է տարրական դպրոցի աշակերտներին: Համոզված եմ , որ մեր երկրում տարրական ուսուցման մանկավարժությունը հագեցած է երեխաների հանդեպ իսկական սիրով, դաստիարակության մեթոդիկական կառուցվում է մարդասիրական հիմքերի վրա՝ ապահովելով երեխայի լիարժեք մանկությունը, զարգացնելով ճանաչողական հետաքրքրությունները: Ճանաչողական հետաքրքրությունների համար խթան կարող են դառնալ

1. ուսուցումը հետաքրքիր դարձնելը,

2. ուսուցման գործընթացում ստեղծագործական մթնոլորտի ապահովումը,

ինչպես նաև բարդ, բայց հրապուրիչ խնդիրների առաջադրումը: Այդ նպատակով անհրաժեշտ է գտնել ուսուցման այնպիսի հնարներ, որոնք ոչ միայն ցանկալի ու հետաքրքիր լինեն երեխաների համար, այլև ունենան ուսուցողական, ճանաչողական նշանակություն և միաժամանակ խթանեն աշակերտների ստեղծագործական միտքը: Այդպիսի հնար է խաղը, որը հոգեհարազատ և սիրված է երեխաների կողմից: Բոլոր ժամանակներում էլ երեխաները ձգտել են խաղալ... Այն ինքնարտահայտման, ինքնակատարելագործման, աշխարհը և իրենք իրենց ճանաչելու հրաշալի միջոց է: Խաղերը նպաստում են երեխայի համակողմանի և ներդաշնակ զարգացմանը: Յուրաքանչյուր խաղ միաժամանակ զարգացնում է կարողությունների մի ամբողջ խումբ: Հաճախ դժվար է հստակ որոշել, թե որ խաղը առավելապես ինչ որակներ է ձևավորում և զարգացնում խաղացողների մեջ: Խաղը մասնակիցներից պահանջում է տրամաբանություն, ուշադրության կենտրոնացում, երևակայության դրսևորում, համբերատարություն, հումորի զգացում, ճարպկություն, արագաշարժություն... Այդ

որակների ձևավորման համար ոչ խաղային պայմաններում պահանջվում են բավականաչափ երկար ժամանակ և մեծ ջանքեր: Խաղալիս երեխաները հայտնվում են տարբեր իրադրություններում, ստանձնում են տարբեր դերեր, հաղթահարում են բազմաթիվ արգելքներ և անում են դա հաճույքով, մեծ բավականությամբ: Չէ՞ որ խաղալիս իրենք միասին են, կողք կողքի, օգնում են իրար և մասին հաղթահարում բոլոր դժվարությունները

Խաղը հոգնածությունն ու լարվածությունը թողափելու, երեխայի հոգեբանական խնդիրները լուծելու անփոխարինելի միջոց է: Եթե երեխան խաղում է տարբեր մարդկանց հետ և ոչ թե մեկ, այլ բազմապիսի խաղեր, նա ինքնավերլուծության մեծ հնարավորություն է ստանում, իր համար պարզում է՝ ինչ կարող է ինքն անել և ինչ չի կարող, ինչն է իր մոտ ամենից լավ ստացվում, իսկ ինչը՝ ոչ: Նա կարիք չունի մյուսների հետ համեմատվելու. երեխան տեսնում է իր աճն ու զարգացումը և տալիս ճիշտ ինքնագնահատական: Խաղերը բազմաթիվ են ու բազմազան: Սակայն խաղերի ճիշտ ընտրության ու կազմակերպման դեպքում դրական արդյունք կունենան թե՛ երեխաները, թե՛ նրանց հետ աշխատող մեծահասակները...

Ես փորձել եմ խաղի միջոցով հետազոտել առաջին դասարանցիներին մաթեմատիկայի դասին, գտնել հնարներ զարգացնելու ճանաչողական հետաքրքրությունները : Ընտրել եմ մաթեմատիկայի « Մեծ, փոքր» « Մեկ ,շատ» թեմաները: Օգտագործել եմ ճանաչողական գործունեությունը զարգացնող խաղեր, որոնք նպաստեցին էլ ավելի հետաքրքիր դարձնել դասը: Աշխատանքի հիմնական նպատակն է կրտսեր դպրոցական տարիքի երեխաների մոտ զարգացնել մաթեմատիկական ունակությունները, ինքնուրույնությունը, տրամաբանությունը, ամրապնդել երեխայի հիշողությունը, կատարելագործել երևակայությունը:

Գրական ակնարկ

Խաղի մանկավարժական նշանակությունը ընդգծել և հետաքրքիր ու օգտակար մտքեր են արտահայտել Յա. Ա. Կոմենսկին, Ժ.-Ժ. Ռուսոն, Կ. Ուշինսկին, Ա. Մակարենկոն, Յա. Կորչակը և շատ ուրիշներ: Խաղի դաստիարակչական և ճանաչողական նշանակության ուսումնասիրությամբ զբաղվել են նաև հոգեբաններ, սոցիոլոգներ, փիլիսոփաներ, ազգագրագետներ, արվեստագետներ, որոնք հիանալի գիտեն երեխայի ներաշխարհը: Դասի ժամանակ ճանաչողական պահանջմունք առաջացնել՝ նշանակում է ստեղծել պրոբլեմային իրադրություն: Աշակերտին պրոբլեմի լուծման պրոցեսի մեջ ներգրավելու համար անհրաժեշտ է նաև պրոբլեմի հստակ սահմանումը, նրա ձևակերպումը, իսկ այնուհետև, վարկածների առաջաշում՝ դրանց ստուգում ու հիմնավորում: Ոչ միայն ստեղծագործական, այլև ինքնուրույն մտածողության զարգացումը պահանջում է պարապմունքների այնպիսի կազմակերպում, երբ գիտելիքները տրվում են ոչ թե պատրաստի վիճակում, այլ մեծ մասամբ աշակերտները դրանք ձեռք են բերում ինքնուրույնաբար: Ես էլ իմ 2 դասի ընթացքում անցկացրել եմ «Հետևի՛ր և կատարի՛ր» խաղը, որը երեխաներին շատ դուր եկավ, մեծ ոգևորություն ու ուրախություն այն պատճառեց երեխաներին: Կարծում եմ որքան դասը համեմենք տարբեր խաղերով, այնքան դասն ավելի հետաքրքիր ու դյուրին կլինի աշակերտների համար:

Խաղի մասին ասել են...

«Մանկական խաղերի պարզությունը խաբուսիկ է, այս երևույթը բոլորը գիտեն, բայց ոչ բոլորն են ըմբռնում: Խաղի և զարգացման հարաբերությունը հավասարազոր է ուսուցման զարգացման նկատմամբ ունեցած հարաբերությանը»: Վիգոտսկի

«Խաղն իր մեջ ընդգրկում է ինքնագործունեության կառուցվածքի բաղադրամասեր»: Էյնշտեյն

«Խաղը չպետք է անհետ հեռանա երեխայի կյանքից, պետք է շարունակի մնալ թե դպրոցական ուսուցման, թե աշխատանքի գործընթացներում»: Վիգոտսկի

«Առանց խաղի չկա և չի կարող լինել ամբողջական մտավոր զարգացում: Խաղը մի մեծ, լուսավոր պատուհան է, որի միջոցով երեխայի հոգևոր աշխարհը, կյանքը լցնում է պնդումների, գաղափարների հոսքով: Խաղը կայծ է՝ հարցասիրության և հետաքրքրասիրության վառվող կրակ»: Վ.Ա. Մուխոմլինսկի

«Խաղը պետք է այնպես կազմակերպվի, որ նրա իրականացման ժամանակ կանխազգացվի ապագա դասը»: Հենսել

«Երեխայի խաղերը պետք է կանխատեսեն ապագայի լուրջ պարապմունքները»: Արիստոտել

Խաղը, որպես կրտսեր դպրոցականի ճանաչողական հետաքրքրությունների խթանման միջոց :

Ժամանակակից դասերը չպետք է միօրինակ լինեն: Յուրաքանչյուր դաս մանկավարժական ուրույն ստեղծագործություն է և չի կարող կրկնվել նույնությամբ: Մեր առաջնահերթ խնդիրն է՝ դասը դարձնել բազմաբնույթ ու գրավիչ :

Ուսումնական նյութի յուրացման մակարդակը զգալի չափով կախված է ուսուցման ընթացքում տեղեկատվության տարբեր աղբյուրների՝ խոսքի ու գննական միջոցների ճիշտ գուգակցումից: Տարրական դասարաններում որպես տեղեկատվության աղբյուրներ համեմատաբար շատ պետք է օգտագործել առարկայակերպարային գննական միջոցները՝ բնական առարկաներ, նկարներ, ծավալային ձևանմուշներ և այլն : Դպրոցում ուսուցչի աշխատանքի և աշակերտների ուսումնական հաջողությունների արդյունքները չափվում են ձեռք բերված գիտելիքներով, կարողություններով ու հմտություններով: Արդի ժամանակաշրջանում, երբ կյանքն օրեցօր առաջընթաց է ապրում, դպրոցի կարևորագույն խնդիրներից են դառնում աշակերտների ճանաչողական հետաքրքրությունների, նրանց ստեղծագործական մտածողության, ինքնուրույն որոշումներ կայացնելու

կարողությունների ձևավորումն ու զարգացումը: Ուսուցման նպատակի նման ընկալումը չափազանց արդիական է և միաժամանակ ունի շատ խոր և հին արմատներ: Կրտսեր դպրոցում պետք է ստեղծել այնպիսի միջավայր, որտեղ կզարգանան սովորողների դեռևս նոր ձեռք բերած անձնային հատկանիշները՝ ինքնուրույն- նություն, ինչ-որ նոր բան սովորելու հակում, հետաքրքրասիրություն: Որն էլ պիտի հիմք հանդիսանա երեխայի «ես»-ի հետագա ամրացմանն ու կայունացմանը: Այս տարիքից պետք է ակտիվորեն զարգացնել երեխայի համարձակ ստեղծագործական ու երևակայական, ուշադրության ու մտածողության կարողությունները : Այս տարիքում երեխաները հիմնականում ընկալում են զգայարանների միջոցով, ուստի կարելի է կազմակերպել այնպիսի խաղեր, որոնք կլինեն տեսողական, զգայական, դիդակտիկ: Շփվելով կրտսեր դպրոցական տարիքի երեխաների հետ, մենք մեր առջև դնում ենք այսպիսի մանկավարժական խնդիրներ.

1. Երեխան խաղալով հասկանում է ինքն իրեն, ճանաչում է իրեն շրջապատող աշխարհը, գիտելիք է ձեռք բերում ամենատարբեր հարցերի շուրջ:

2. Հստակ խնդիրներ և նպատակներ ունեն, հատկապես մտավոր խաղերը. Ջարգացնել երեխաների հիշողությունը, ուշադրությունը, մտածողությունը, երևակայությունը, քանի որ առանց այդ հատկանիշների անհնար է երեխային ամբողջովին զարգացնել:

Խաղը երեխայի մտավոր զարգացման առաջնահերթ միջոցներից է: Այն երեխային մղում է անցնելու զարգացման մի աստիճանից մյուսը, այսինքն նորաձնի զգայական ընկալումներից դեպի նախադպրոցականի մինչգործնական և ապա տարրական դպրոցի երեխային հատուկ գործնական մտածողության: Խաղը նպաստում է ճանաչողական ունակությունների զարգացմանը: Այն միաժամանակ ֆիզիկական, զգացմունքային և սոցիալական որակների ձևավորման կարևորագույն գործոն է: Ահա ինչու երեխայի

նախաձեռնած երևակայակենտրոն խաղը պետք է ընթանա ուսուցչի աջակցությամբ, որը վերածվելու է զարգացմանը համապատասխանող գործելակերպի: Խաղն իրենից ներկայացնում է իրական գործունեություն: Երևակայականն այն իրադրությունն է, որն ստեղծվում է խաղի ժամանակ (նստած են վագոնի մեջ, բայց վագոն չկա): Խաղի ընթացքում է ձևավորվում սիմվոլային (նշանային) գործառույթը (իրական առարկաների փոխարինումը խորհրդանիշերով): Օրինակ, որպես ձի երեխան օգտագործում է փայտածողը, որպես գնացք խորանարդիկը: Եվ գլխավորն այն է, որ արտաքին իրական փոխարինողների օգտագործմամբ կատարվում են ներքին փոխարինումներ: Այդ երևույթն էլ վերափոխում է երեխաների հոգեկան բոլոր գործընթացները, թույլ տալիս մտովի պատկերացնել առարկաները: Այսպես, խաղալիս նա մի քանի բոլորում «թռչում է տիեզերք և վերադառնում», վիրահատում է ծանր հիվանդին», «հաղթահարում ծովի հսկա ալիքները»: Խաղի կարևոր նշանակությունն այն է, որ երեխան հանդես է գալիս այլ մարդու դերակատարմամբ, և աշխարհին նայում կարծես թե մեծահասակի տեսանկյունից: Երեխան իր շրջապատի երևույթները տեղափոխում է խաղային իրավիճակ: Նա, այնուամենայնիվ, հայելային ձևով չի վերարտադրում, այլ ներմուծում է ինքնուրույն տարրեր, այսինքն՝ ստեղծագործում է, երևակայում: Կրտսեր դպրոցական տարիքի երեխայի համար առաջատար գործունեություն է սկսում դառնալ ուսումը: Բայց այդ դպրոցականը, որը դեռ երեկ տարված էր իր զվարթ խաղերով, չի կարող լիովին զերծ մնալ դրանցից: Այդ իսկ պատճառով, երբ ուսուցումը համեմվում է խաղերով դրանք երեխայի համար դառնում են ավելի հետաքրքիր, սրտամոտ և ցանկալի: Երբ խաղը մուտք է գործում կենդանի մանկավարժական գործընթացի մեջ, դասարանում ստեղծվում է մի նոր յուրահատուկ միջավայր: Եթե ուսուցիչ - աշակերտ կամ աշակերտ աշակերտ հարաբերություններում մինչև այդ գոյություն ունեին ինչ- ինչ խանգարող հանգամանքներ, ապա դրանք աննկատելիորեն անհետանում են: Այդ մթնոլորտը հնարավորություն է տալիս, որ աշակերտները անկաշկանդ արտահայտեն իրենց մտքերը: Խաղն ունի մի այնպիսի հիանալի հատկություն, որ երեխային կարող է իր համար էլ աննկատելիորեն ընդգրկել ակտիվ ուսուցման և նույնիսկ այս կամ այն խնդրի լուծման ընթացքի մեջ: Խաղի ժամանակ երեխան ավելի է կենտրոնանում՝ տարվելով հետաքրքրաշարժությամբ, և ավելի հեշտությամբ էլ մտապահում է առաջին անգամ տեսածն ու լսածը: Խաղի հիմնական հոգեբանական հատկություններից մեկն այն է, որ շոշափվում են երեխայի անձնավորության բոլոր որակները. նրա մեջ աշխուժորեն աշխատում է միտքը, հարստանում են հույզերը, պահանջվում են հատուկ գործունեություն և կամային ջանքեր: Խաղը՝ գործունեություն է, ուր հաղթահարվում են երեխայի անմիջական հույզերը, ցանկությունները: Եվ նա սովորում է գործել ոչ թե վայրկենական հույզերի կամ ցանկությունների ազդեցությամբ, այլ առաջիկա գործունեության իրադրության թելադրանքով: Ահա ինչու խաղը նոր պահանջմունքների դպրոց է: Այստեղ երեխան հույզերի միջոցով կանխագգում է ապագայում հասարակական արժեք և գնահատում ունեցող լուրջ գործունեության ուրախությունը: Այդ իսկ ձևով խաղը երեխաներին նախապատրաստում է դպրոցական ուսուցմանը, նպաստում անհրաժեշտ դիրքորոշման ձևավորմանը, օգնում կատարելու կամավոր ստանձնած

պարտականությունները և ենթարկվելու կանոններին: Խաղը կարող է ծառայել երեխաների դաստիարակության և զարգացման բարդ

խնդրի իրագործմանը միայն այն դեպքում, երբ այն ներառվում է կազմակերպվող

մանկավարժական գործընթացի մեջ : Այսպես, օրինակ, առաջին դասարանցին տառուսուցման կամ էլ թվերի ուսուցման ժամանակ ծանոթանում է մի այնպիսի տառի կամ թվի, որն ունի բերան, աչիկներ ու թաթիկներ, խոսում է երեխաների հետ և պատմում իր մասին: Երեխաները սեղմում են նրա թաթիկը, բարևում և խոստանում չնեղացնել և չմոռանալ նրան: Փաստորեն երեխաները հաղորդակցվում են տվյալ տառի կամ թվի հետ, որից հետո, երբ տարբեր նյութերից պատրաստում են իրենց «նոր բարեկամին», ապա հեշտությամբ և հաճույքով մտապահում են նոր տառը կամ էլ թիվը: Այդ դեպքում յուրացումն իրականանում է գրեթե ինքնուսուցանող:

Հ Հ Դպրոցում կենդանի մանկավարժական գործընթացում խաղերը չեն կարող ինքնանպատակ լինել: Խաղը պետք է հանդես գա ոչ թե որպես առանձին հնար, այլ միաձույլ լինի ուսուցմանը և ծառայի ուսումնական նպատակին: Հարկավոր է երեխաների մեջ արթնացնել հետաքրքրություն և այդ կերպ նպաստել մանկավարժական խնդիրների լուծմանը: Ինչպես ցանկացած հնար, ուսումնական տեխնոլոգիա, այնպես էլ հետաքրքրաշարժության տարրերով հարուստ խաղը կարող է նույնիսկ ձանձրացնել երեխաներին, եթե չփոփոխվի ու անընդհատ կրկնվի նույնությամբ: Այդ իսկ պատճառով խաղը պետք է կիրառվի ստեղծագործաբար: Ցանկացած խաղ ցանկալի է տեսնել ոչ թե անխախտ կադապարի, այլ աստիճանական զարգացման մեջ, որպեսզի երեխայի մեջ չկորչի հետաքրքրությունը թե՛ դրա և թե՛ ուսուցան նկատմամբ : Եթե խաղը ճիշտ չի ընտրված, ապա չի շարժի աշակերտների հետաքրքրությունը: Եվ այս դեպքում չի գրանցվի անհրաժեշտ արդյունք : Խաղին հատուկ կարևորություն է տրվում վաղ դպրոցական և նախադպրոցական տարիքի երեխաների ուսուցման, դաստիարակության գործում, քանի որ, ըստ հոգեբանների, այդ տարիքն առանձնանում է որպես անհատականության ձևավորման առաջին աստիճան: Այդ տարիքում խաղն է անձի ձևավորման կարևորագույն միջոցը, գործոնը: Ուսուցանող խաղերը, հետաքրքրաշարժ առաջադրանքները, սևեռում են երեխայի անկայուն ուշադրությունը դասի ընթացքին, տալիս են նոր գիտելիքներ, ստիպում են լարված մտածել: Խաղերը երեխաներից պահանջում են հնարամտություն, ուշադրություն, համատեղ ստեղծագործական համատեղություն, զարգացում են երևակայությունը, արագորեն ճիշտ լուծումներ գտնելու կարողությունները: Կարևոր է նաև այս ամենի դաստիարակչական կողմը, քանի որ այդ ընթացքում երեխաները մոտիկից առնչվում են, մրցակցում, վիճում, իրար օգնում, դառնում են ինքնուրույն և ընկերասեր: Մանկավարժության մեջ մեծ կարևորություն է տրվում ուսուցման համակարգում խաղի դերին և ուսուցումը խաղի օգնությամբ կազմակերպելուն: Խաղի ընթացքում մեծ տեղ պետք է հատկացնել հետաքրքրաշարժ խնդիրներին ու առաջադրանքներին, որոնց հիմնական նպատակը սովորածը կրկնելու, ամրապնդելու և կիրառելու կարողությունների ձևավորումն է: Բազմազան մանկավարժական, տրամաբանական, հետաքրքրաշարժ վարժությունները

երեխաները կատարում են սիրով ու հափշտակությամբ: Նրանք ինքնուրույն կամ ուսուցչի օգնությամբ լուծում են, վճռում, գտնում, կազմում, հորինում, առանձնացնում և այլն: Իսկ այդ ընթացքում երեխաները կամա-ակամա սովորում են այն ամենը, ինչը ծրագրված և թաքնված է այդ առաջադրանքների հետևում: Խաղերը միայն դասը հետաքրքրաշարժ, զվարճալի ու բազմերանգ դարձնելու համար չեն միայն, դրանք առաջին հերթին ուսանելի են և նոր գիտելիքներ են հաղորդում, սովորեցնում միտքը լարել, տրամաբանել: Խաղերը զարգացնում են երեխայի երևակայությունը, արագորեն լուծումներ գտնելու կարողությունը, համակցված մտածողությունը: Ուսուցման գործընթացը բխում է միայն երեխայի շահերից և հարմարեցված է նրա կարիքներին: Երեխան խաղային բոլոր գործընթացներում ցուցաբերում է ակտիվություն: Խաղերը բազմազան են՝ աշխույժ, մարզական, ճանաչողական, պուժետադերային, սեղանի, զարգացնող, խաղ-մրցույթներ, խաղ-էստաֆետներ, խաղ-երևակայական իրավիճակներ, տրամաբանություն և կամք զարգացնող, ուշադրություն կենտրոնացնող, հիշողություն ամրացնող, կատակ-խաղեր, շարժական խաղեր, դիդակտիկ խաղեր և այլն :

Հենց այդ նպատակով էլ տարրական դասարաններում (հատկապես՝ առաջին) հարկավոր է ավելի շատ կազմակերպել ուսուցողական խաղեր: Ուսուցիչը պետք է իմանա, որ խաղի բովանդակությունը և կանոնները պետք է հասկանալի լինեն երեխաներին, խաղի

բովանդակությունը պետք է համապատասխանի աշակերտների գիտելիքների մակարդակին, խաղերը պետք է լինեն կոնկրետ և նպատակային, իսկ դրանց քանակն ու տևողությունը՝ չափավոր: Խաղը պետք է նպաստի գիտելիքների հարստացմանը և հետաքրքրությունների ձևավորմանը: Խաղը երեխայի համակողմանի զարգացման, ինքնահաստատման, ինքնակատա-րելագործման կարևոր միջոց է, որը բացահայտում է նրա բնավորության շատ կողմեր: Խաղի միջոցով երեխային կարելի է և՛ կրթել, և՛ դաստիարակել: Խաղի ընթացքում երեխան դրսևորում է որոշակի ինքնուրույնություն, ձգտում է ինքնահաստատման, ձևավորվում են բնավորության որոշակի գծեր:

Խաղի ընթացքում երեխաները ազատ են և ինքնուրույն, ունեն հավասար իրավունքներ և ինքնադրսևորման լայն հնարավորություններ: Խաղն ապահովում է հասակակիցների հետ փոխշփումներ, հաճելի մթնոլորտ և համագործակցելու լավագույն պայմաններ:

Դասի տարբեր փուլերում անցկացվող խաղերի տեսակներից կարելի է առանձնացնել այն ուսուցողական խաղերը, որոնք համապատասխանում են դասի թեմային և կազմակերպվում են առանձին թեմաների ուսուցումը նախապատրաստելու, անցածը խորացնելու, ամրապնդելու և ամփոփելու նպատակով: Երկրորդ դասարանում մայրենի լեզվի դասաժամերին իրականացվող բառակազմական և վերլուծական-գործնական աշխատանքները, որոնք կազմակերպվում են խաղերի ձևով, նպաստում են սովորողների՝ հայրենիքի ճանաչողության խորացմանը և լեզվական աշխատանք կատարելու հմտությունների ձևավորմանը: Երեխաներն աստիճանաբար կարողանում են պարզ բառերից կազմել բարդ և բարդաձանցավոր, ինչպես նաև հողակապով և անհողակապ բառեր: Այդ կարողություններն առավել զարգացնելու նպատակահարմար միջոց են

հաճախակի կազմակերպվող բառավերլուծական բնույթի մի շարք խաղեր, որոնց ժամանակ աշակերտներն առիթ են ունենում ընտրելու արմատը կամ ածանցը: Դասավանդման և դաստիարակության ժամանակ է, որ առաջանում են բազմաթիվ խնդիրներ, և տարրական դասարանների ուսուցիչն է, որ ուսուցման մեթոդաբանության, մանկավարժական վարպետության և ճկունության շնորհիվ կամաց-կամաց փոխում է երեխայի հետ աշխատելու բնույթը՝ ավելի շատ ուշադրություն դարձնելով նրա և՛ անձնային, և՛ իմացական հնարավորությունների զարգացմանը: Մինչդեռ նպատակային ուսուցում կազմակերպելու համար տարրական դասարանների ուսուցիչը պետք է հետամուտ լինի սովորողների հետաքրքրությունների բացահայտմանը, համագործակցային կարողությունների զարգացմանը, հաղորդակցական ունակությունների, անհատականության, տրամաբանական մտածողության, վերլուծական կարողությունների ձևավորմանը: Խաղը երեխայի համակողմանի զարգացման, ինքնահաստատման, ինքնակատարելագործման կարևոր միջոց է, որը բացահայտում է երեխայի բնավորության բոլոր կողմերը: Խաղն օգնում է ուսուցման գործընթացում բազմաթիվ նպատակների իրականացմանը: Լուծվում են ինչպես կրթական, այնպես էլ դաստիարակչական բնույթի, կարգապահության, հաղորդակցման, միմյանց լսելու կարողության և համագործակցության զարգացման հետ կապված բազմաթիվ խնդիրներ:

Ամփոփելով վերն ասվածը՝ կարելի է ասել, որ ուսուցողական խաղերի միջոցով հնարավոր է ձևավորել և զարգացնել աշակերտների ստեղծագործական կարողությունները, մասնավորապես հաշվողական և լեզվական հմտությունները: Խաղերն օգնում են ուսուցչին առավել մատչելի տարբերակով ներկայացնելու դասի թեմատիկան՝ ձևավորելով երեխայի երևակայելու, զգացմունքներն ու գործողությունները ինքնուրույն կարգավորելու ունակությունները:

Այսպիսով՝ թեմատիկ խաղերի կարևոր նշանակությունն է խորացնել կրտսեր դպրոցականների ճանաչողական հետաքրքրությունները, դասը դարձնել առավել հետաքրքիր, անսովոր և ցանկալի, զարգացնել երեխայի ուսումնառության դրդապատճառները, բարձրացնել աշխատունակությունը:

Փորձարարական հետազոտություն

Դասապրոցեսում խաղը որպես ակտիվ ուսուցման կազմակերպման ձև ակտիվացնում է երեխաներին: Խաղի միջոցով կարելի է լուծել ուսումնական բոլոր խնդիրները՝ հատկապես կրտսեր դպրոցում: Հարկավոր է ոչ թե դասը բաժանել ուսումնական աշխատանքի ու խաղի, այլ պարզապես խաղը տարրալուծել ուսումնական գործընթացի մեջ և ուսումնական նպատակներն իրականացնել խաղի օգնությամբ ու խաղի միջոցով:

Ուսուցման ընթացքում խաղի կիրառումը օգնում է ուսուցչին ակտիվացնել անհամարձակ երեխային, որովհետև խաղալիս երեխան իրեն ազատ է զգում: Երեխային հնարավորություն է տրվում ազատ արտահայտելու իրենց մտքերն ու կարծիքները: Խաղային իրավիճակներում երեխան դառնում է առավել գործուն և ուշադիր: Խաղերը հաճախ տեղեկատվական բնույթ են կրում: Խաղի ընթացքում երեխան կարողանում է ազատ մտածել տվյալ հարցի շուրջ: Քննարկման փուլում նա լսում է ուրիշների կարծիքները և նույն հարցի վերաբերյալ տարբեր մեկնաբանություններ: Ինքն էլ հնարավորություն ունի համագործակցելու ընկերների հետ և սեփական որոշում կայացնելու:

Արդյունքում երեխան ինքնավստահություն է ձեռք բերում և զարգացնում գննողականությունը : Երեխաները հեշտությամբ են ներգրավվում խաղային գործունեության ոլորտ, և ինչքան այն բազմազան է, այնքան ավելի գրավիչ է դառնում: Մանկավարժական պրակտիկան ցույց է տալիս, որ ինչ նպատակով էլ խաղն ընտրված լինի և որքանով էլ այն ապահովված լինի անհրաժեշտ պարագաններով, ուսուցիչն է այն կարևոր դերակատարը, առանց որի խաղը կարող է ոչ միայն պարզապես ժամանց դառնալ, այլ նաև ունենալ հակադարձ ազդեցություն: Ուսուցիչը խաղի ժամանակ չպետք է հանդես գա երեխաներից ոչ մի կողմի խաղախմբի հետ: Ուսուցիչը բոլորովին հավասար խաղընկեր է, խորհրդատու կամ օգնական: Ուսուցիչը ինքը պիտի լրջորեն վերաբերվի խաղի կանոնների պահպանմանը, ձևավորելով նաև երեխաների խաղի կանոններին համապատասխան գործունակությունները: Պիտի կարևորի և բարձր գնահատի երեխաների մասնակցությունը խաղին, որքան հնարավոր է սահմանափակելով դիտողությունները և քննադատական ակնարկները: Ուսուցիչը պիտի խաղի ժամանակ կարևորի և բարձր գնահատի բոլոր երեխաների ցանկությունները, մասնավորապես դերային խաղերի ժամանակ չկատարի պարտադրողական քայլեր: Խաղային թիմերը ձևավորելիս պիտի այնպես անի , որ նույն խմբի մեջ մտնեն տարբեր խառնված և պատրաստակամություն ունեցող երեխաներ: Պարտվող թիմերին պիտի տա իրենց պարտության պատճառները որոշելու և այդ մասին դատողություններ անելու հնարավորություն: Պիտի օգնի երեխաներին որոշելու, թե ուսումնական որ նյութի իմացության կամ չիմացությունն է խաղում պարտվելու պատճառը, որ կարողանան բացահայտել հաղթելու կարողությունը: Խաղը պիտի բավականություն և հրճվանք պարգևի ոչ միայն հաղթող, այլ նաև պարտվող խմբին: Դրա համար բավական չէ խաղի

ընթացքի ճիշտ կազմակերպումը, անհրաժեշտ է նաև մանկավարժահոգեբանական տեսանկյունով ճիշտ կազմակերպել արդյունքների ամփոփումը, գովասանքի և խրախուսանքի խոսքեր ասելով ոչ միայն այն խմբին, որ առաջինն և ճիշտ կատարեցին առաջադրանքի կատարումը, այլև նրանց, ովքեր վերջինն ավարտեցին, սակայն արդյունավետ կատարեցին: Ցանկացած խաղ պիտի նպաստի մանկական կոլեկտիվի և համերաշխության համագործակցությանը, ընկերական առողջ, հանդուրժողական հարաբերությանը, և եթե խաղի ավարտից հետո մասնակիցները շարունակում են ինչ-որ մի բան պարզաբանել, վիճել, խոռվել իրարից, ավելին թշնամանալ, նշանակում է խաղի ընթացքում ինչ-որ բան այնպես չի եղել, և խաղը չի ծառայել իր նպատակին:

Խմբի նկարագիր

Հետազոտական աշխատանքս իրականացրել Այրքի միջնակարգ դպրոցի առաջին դասարանում: Դասարանը կազմված է 10 աշակերտից: Նրանցից 6-ը տղաներ են, իսկ 4-ը՝ աղջիկներ: Ունենք դասին մասնակից և ակտիվ և պասիվ աշակերտներ:

Հետազոտության ընթացք

Փորձարարական դաս 1

Իմ անցկացրած առաջին դասի թեման – Մեծ , փոքր Խաղ «Հետևի՛ր և կատարի՛ր»

Դասիս նպատակն էր՝ զարգացնել ուշադրության տեղափոխման ունակությունը: Ընթացքը: Անվանում եմ մի քանի բառ՝ «աթոռ», «մահճակալ», «մատիտ», «տետր», «զիրք», «ագռավ», «ծիրան», «պատառաքաղ» և այլն: Ըստ նախնական պայմա-նավորվածության՝ երեխան պետք է արձագանքի որոշակի խմբի կամ խմբերի (կենդանի, կահույք, բույս, ուտելիք, միրգ) պատկանող բառերը լսելիս: Օրինակ՝ ասում եմ .«Այժմ ես կթվեմ բառեր, դուք պետք է ուշադիր լսեք: Երբ որևէ մրգի անուն լսեք, ծափ կտաք»:

Դասարանում սովորում է 10 երեխա.

Առաջին անգամ խաղն անցկացնելուց հետո արդյունքը եղավ.

Թերություններ չունեցա	Որոշակի թերություններ	Մխալները շատ էին
4 աշակերտ	4 աշակերտ	2 աշակերտ

Վերլուծելով արդյունքներ

Պարզեցի , որ 2 աշակերտ անսխալ կատարեցին ,որովհետև ցանկացած աշխատանք կատարում են շատ ուշադիր և հասկանալով: Չնայած 4 աշակերտներ հասկացել էին խաղը , բայց ունեցան որոշակի թերություններ, որովհետև ուշադրության պակաս կար: Իսկ 4 աշակերտներ շատ սխալներ թույլ տվեցին: Խաղը կրկնել մի քանի անգամ,ավելի լավ յուրացնելու համար:

Փորձարարական դաս 2

Երկրորդ դասիս թեման է-Մեկ, շատ Խաղ «Հետևի'ր և կատարի'ր»

Նպատակը - զարգացնել ուշադրության տեղափոխման ունակությունը: Երբ երեխաները յուրացնում են առաջին հրահանգը, խաղը կարելի է աստիճանաբար բարդացնել, որպեսզի նրանք չձանձրանան:

Երկրորդ հրահանգի դեպքում կարելի է երեխային առաջարկել, որ կանգնի այն ժամանակ, երբ լսի բույսերի անուններ:

Խաղը աստիճանաբար բարդացնելուց հետո, արդյունքը կլինի.

Թերություններ չունեցան	Որոշակի թերություններ ունեցան	Մխալներ շատ էին
5 աշակերտ	3 աշակերտ	1 աշակերտ

Վերլուծելով արդյունքները

պարզեցի , որ 5 աշակերտ անսխալ կատարեցին , որովհետև այս անգամ ավելի ուշադիր էին խաղում: Չնայած 3 աշակերտներ հասկացել էին խաղը , բայց ունեցան որոշակի թերություններ, որովհետև ուշադրության պակաս կար: Իսկ 1 աշակերտ ,որը փորձում էր ուշադիր խաղալ, շատ սխալներ թույլ տվեց:

Խաղը կրկնել մի քանի անգամ,ավելի լավ յուրացնելու համար:

Արդյունքների ամփոփում և վերլուծություն

Դպրոցական կյանքի սկզբնական շրջանում չափազանց կարևոր է ուսումնական գործընթացում խաղային էլեմենտների առկայությունը, ինչը մեծացնում է երեխայի հետաքրքրությունը ուսման հանդեպ: Մեծ է նաև շարժվելու պահանջմունքը, հետևաբար, ուսուցիչը ուսումնական գործընթացը կազմակերպելիս պետք է կիրառի շարժողական խաղեր, որոնք նպաստում են երեխայի ուշադրության զարգացմանը, կենտրանանալու կարողությանը: Այս ամենից կարելի է եզրակացնել, որ ուսումնական գործընթացները ավելի արդյունավետ է կազմակերպել դիդակտիկ խաղերի միջոցով: Ուստի ես էլ իմ դասապրոցում առանձնացրել եմ այնպիսի խաղ, որը զարգացրեց երեխաների ուշադրության տեղափոխման ունակությունը , բավարարեց, շարժվելու պահանջմունքը, զարգացրեց ճանաչողական հետաքրքրությունը: Կարող եմ փաստել, որ երկու դասերի ընթացքում էլ մեծ էր աշակերտներից հետաքրքրությունը, և իսկապես խաղերի միջոցով ես կարողացա, նրանց ինտեգրել դասին: Դասապրոցում օգտագործելով նման խաղեր՝ կարծում եմ կմեծանա երեխայի հետաքրքրությունը ուսման հանդեպ:

Եզրակացություն

Մանկավարժ Յանոշ Կորչակը երեխայի մանկությունը համեմատում էր այն լեռների հետ, որոնցից սկիզբ են առնում բոլոր հորդահոս գետերը, որոշում իրենց հունը և ուղղությունը: Մանկության ընթացքով են պայմանավորված հասուն կյանքում մարդու բոլոր հաջողություններն ու անհաջողությունները: Ուսումնասիրություններից պարզվում է, որ առանց երջանիկ, լիարժեք և պաշտպանված մանկության՝ խաթարված է մարդու ամբողջ կյանքը»: Խաղը ուսուցման միջոց է, որը նպաստում է դասի արդյունավետության բարձրացմանը: Կարող է փոխել նախկին հնացած պատկերացումները դասի անցկացման վերաբերյալ: Դասի ժամանակ խաղերն անցկացվում են աշակերտական մեծ ու փոքր խմբերով՝ ուսուցչի ղեկավարությամբ, որոնց անցկացման նպատակն է հին նյութի և աշակերտներին հանձնարարվող նոր թեմայի ավելի արդյունավետ կերպով յուրացումը: Միաժամանակ, ըստ Ի. Կազժյուսի՝, խաղերի մեջ պետք է ներգրավվել ոչ միայն թույլ, այլև ուժեղ աշակերտ-ներին: Միշտ պետք է հիշենք, որ ուսուցչի կարևորագույն պարտականությունը կյանքի կորովի խթանումն է Ա. Ս. Մակարենկոյի արտահայտությամբ՝ խաղը երեխայի աշխատանքն է, բայց ուրախալի աշխատանքը, որը նրան մեծ բավականություն է պատճառում: Նշանավոր մանկավարժի կարծիքով ինչպես երեխաները խաղում են, այնպես էլ աշխատելու են: Խաղը երեխայի ամբողջ կյանքի իմաստն է: Երեխան խաղալով է անցնում իր վաղվա չափահաս կյանքի դպրոցը: Այլ կերպ խաղը մարդու զարգացումն է և իքնակատարելագործումը: Երեխաները գործուն էակներ են, և անհրաժեշտ է կազմակերպված միջավայր ստեղծել նրանց համարի: Չի կարելի կասկածել երեխայի ունակություններին և ընդունակություններին: Համոզված եմ՝ որ հետագայում երեխաները դեռ շատ անգամ աշխարհը կգարմացնեն իրենց ընդունակություններով: Լավատեսորեն հավատում եմ՝ Տիեզերքն իրոք անսահման է, և երեխան այդ անսահմանության անկրկնելի տիպարն է: Եթե մանկավարժը ստեղծագործական վերաբերմունք է դրսևորում նրա նկատմամբ, ապա երեխայի ընդունակությունները սահմաններ չեն ճանաչում:

Օգտագործված գրականություն

1. Սյու Բրեդեկամփ Մինչև ութ տարեկան երեխաների զարգացմանը համապատասխանող գործելակերպի մշակումը վաղ մանկական ծրագրերի շրջանակներում»:
2. Սուխոմլինսկի Վ. Ա., Սիրտս նվիրում եմ երեխաներին, Կիև , 1969
3. Ուշինսկի Կ. Դ., Մանկավարժական ընտիր երկեր, Հ--2. եր. 1959:
4. Ս. Վարադումյան և ուրիշներ, «Նոր մոտեցումներ ուսուցիչների պատրաստման գործընթացին: գործիմաց մոտեցում, տեսություն և պրակտիկա» ձեռ նարկ ուսուցիչների համար: Երևան 2004 Այրեքս
5. Л. Понкратова, Игра в жизни ребенка.
6. Б. Александрова, Игра и жизнь.
7. А. Усова, Роль в игры в организации жизни и деятельности детей. Д. Эльконин, Психология игры.
8. Вайнер М. Э. Игра и эмоциональное развитие младших школьников //- Начальная школа: плюс—минус. 2001, Ко 4.
9. Варданян Е. Психология игры, М.: 1978.
10. Волина В. В. Учимся играя. М.: Новая школа, 1994